

խարունկն, գլենդանիքն և զհանգուցեալքն ի Քս. (Հայկ. Յուզ. Թ. էՅ):

ՍԱՐԳԻՍ ԿՐՕՆԱՒՈՐ.— 1603ին Ս. Յակոբի վանքին կը նուիրէ նարեկ մը (ՄՁ. Թ. 1215), որուն արդէն ստացողն եղած է ըստ հետեւեալ յիշատակարանին. «յիշեցէք ի Քս. զվերջին ստացող լուսազարդ սբ. տառիս, որ կոչեցեալ նարեկացի, զտէր Սարգիս... կրօնաւորն. և Ած. ողորմի ասացէք իւրն եւ ծնողացն, հօրն Թորոսին և մօրն Դիմիթին, և եղբայրցն Աքրահաւին, Սիմանին, և Մուրաշին և մեծ պապուն Տէր Աստուածաճուրին և իւր կողակցին Խոնդին...: Եւս առաւել ինձ մեղապարտ Գրիգորիս կազմողի...: Դարձեալ յիշեցէք զտէր Սարգիս կրօնաւորն որ ստացաւ զսբ. գիրքս և ետ վերստին նորոգել և եգ ի դուռն սբ. Յակոբայ, ի սբ. քաղաքս Երուսաղէմ... ի Թվին ՌԾԲ (=1603)...»: (Խապ. Յուզ. տետր ԻԹ. էջ 2164):

ՍԱՐԳԻՍ ՊԱՂՏԱՍԱՐԵԱՆ, ՏԻԳՐԱՆԱԿԵՐՏՅԻ.— Քրձ. Ծ. 1850ին, Երուսաղէմ գալով 1880ին Ս. Յակոբի վանքին մէջ կը մտնէ քրձագգեացնէրու շարքը, պարբերաբար կը պարապի վանքին մէջ հացագործի, սեղանապետի, լուսարարի և սենեկապետի գործերով: Իր անձնական ծախքով նորոգած է Համբարձման լերան տեսչարանը: Դարձեալ իր ծախքով շինել տուած է հետեւեալները. երկու մթերանոց Ս. Հրէշտակապետի եկեղեցիին մօտ. մէկ մթերանոց մեծ օթելին տակ, և վից մթերանոց Ռեմէլի մէջ. սոյն մթերանոցներուն եկամուտը Պաղտասարեան ինքը պիտի գանձէ իր կենդանութեան, իսկ յետ մահու պիտի մնան իբր կալուած Ս. Յակոբի վանքին:

ՍԱՐԳԻՍ ՊԵ. (1281—1313).— Սարգիս պտրք. Սսոյ Ե. (1307) և Ատանայի (1309) Ժողովներու կանոնները՝ հայ եկեղեցւոյ ոգւոյն հակառակ նկատելով՝ չգործադրեց. և այս պատճառով Սսոյ կաթողիկոսարանին իրաւասութենէն ելնելով՝ Ս. Յակոբի վանքին անկախութեան համար զիմեց Եգիպտոսի ամիրապետին՝ որմէ ստացաւ ի նորոյ պատրիարքական հրովարտակ (Յպե. էջ 42—43. Չաւչ. Գ. էջ 312—13):

ՍԱՐԳԻՍ ՊԵ. (1393—1417).— Ն. Խրիմի, ուրկէ նուէր բերած է ճաշոց գիրք մը Ս. Յակոբի վանքին համար (ՄՁ. Թ.